



Saulxures - sur - Moselotte

8 Fëscher vun eiser Sektïoun waren an d'Vogesen gefuer fir um Frëndschafsfësch "24 heures de Saulxures" dat vum Club "VOSGESMOUCHE" organiséiert gën wor, deeel ze huelen. d'FLPS - Sektïoun Mouches wor hei mat den Équïpen **Gilson/Pauly**, **Strotz/Dilk**, **Bissener/Decker** an **Bartholmé/Scheid** vertrueden. Am Virfeld wor virgesin dass den Claude sollt mam Ben Scheuer zesummen fëschten mee leider konnt Dësen aus gesondheetlechen Grënn net matfëschten esou dass den Luss dun fir Hien angesprongen ass, mir profitéieren dann och dovunner fir dem Ben op dësem Weë éng gudd Besserung ze wënschen.

Mir waren schon een Dag virum Kongkur ungereest fir domader den Stress vun der Unrees esou kléng ewei méiglech ze halen an hun dun awer dovunner profitéiert fir den Dag vun eiser Unrees mat éngem gesellegen Fëschten an der Moselotte, éngem vun den villen schéinen Flëss déi een an den Vogesen fannen kann, ze fëschten.





All Owend wor Taktik - Bespriechnung an onserem Chalet ronderëm den Uewen an heibäi ass et dem Luss ëmmer woarm
 ëm d'Häerz gin, net dass d'Rieden déi hei geschmass gin sin esou feierlech gewiecht wären, née den Luss huet just iwvert
 dem Uewen geschloof an zu séngem Leedwiesen huet dësen wonnerbar funktionéiert esou dass Hien och nach spéiderhin
 vun der opgehëtzen Stëmmung profitéieren konnt. Den Misch huet um Firowend vum Kongkur éng feierlech
 Anstëmmung beim Uewen zum Beschten gin déi op éng gewëssen Manéier un d'Wort zum Sonntag erënnert huet, mee
 wat mécht een net Alles fir d'Kollegen ze motivéieren!



Um Kongkur hun 35 Équipes deelgehol ewoubäi déi Meeschten aus Frankräich komm sin an awer niewend der lëtzebuerger Vertrieedung och belsch Équipes participéiert hun. Et ass Moies um halwer néng mat der Anschreiwung las gaangen an um zéng Auer ass déi éischten Manche ungaangen. Et sin dun dräi Manche a 30 Minutten gefëscht gin wat an eisen Aaën zäitlech gesin ze kuurz wor. Dun wor d'Mëttegiessen ungesot an Mëttes ab zwou Auer sin dun riicht durch bis acht Auer Oues Manche a 50 Minutten gefëscht gin. Den zweeten Dag ass et dun Moies schon um acht Auer las gaangen wat mat sech bruecht huet dass um halwer sechs Moies schon den Wecker gerabbelt huet, haï ass dun bis zwou Auer Mëttes riicht durch gefëscht gin an Manche zu 50 Minutten. Ganz originell wor bei dësem Kongkur dass och éng Manche am Boot ausgefëscht gin ass ewoubäi all Kéiers een Équipier mat éngem Fëscher aus énger annerer Équipe zesummen huet müssen mam Boot op den Séi erausfuere fir sech un der jeweiliger Boje fest ze strécken an dann ass dun hei d'Manche ausgefëscht gin. Dat wor éng wirklech geloongen Experience an éng zousätzlech Opwäertung vum Kongkur ewoubäi een allgemeng soën kann dass den Kongkur wonnerbar organiséiert wor an den CLUB VOSGES MOUCHES sech all erdenklech Méih gin hat fir een flott Frëndschaftsfëschchen ze organiséieren. Een groussen Plus heibäi waren niewend dem wonnerschéinen Séi och déi beschdens équipéiert Chaletën ronderëm den Séi ewou déi eenzel Équipes dran logéiert waren.



Den sportlechen Deel ass séier verzielt ewoubäi d' lëtzebuenger Équipes net hir beschten Deg erwëscht haten an awer Alleguer ënnert den éischten zwanzég Équipes figuréiert hun. Et muss een awer heibäi déi ganz gelongen Performance vun der Équipe **Bissener/Decker** hervir sträichen, den Paul an den Philippe haten sech als siwend Équipe ënnert 35 Équipes klasséiert an haten et fäerdeg bruecht bannent deenen zwee Deg net een eenzegen Kapot ze fëschen.

Gewonnen gouf den Kongkur vun eisen Kollegen aus der Belsch der Équipe **Lorquet/Bazan**, als Zweet sin d'Équipe **Jamagne/Zapo** och aus der Belsch herfir gaangen an den Podium ofgeschloss huet d'Équipe **Bryis/Borni** aus Frankräich.

d'lëtzebuenger Équipes klasséieren sech als 7. d'Équipe **Bissener/Decker**, als 16. d'Équipe **Bartholmé/Scheid** als 18. d'Équipe **Strotz/Dilk** an als 19. d'Équipe **Gilson/Pauly**, ënnert 35 Équipes.

Zeréck behalen wäerten mir mat Sécherheet dräi formidabel Deg ënnert Fëscherkollegen, an wann och net Alles geklappt huet esou iwwerweit dach déi komerodschaftlech Ambiance ënnert eis Fëscher an esou kann een dann och eemol erdroën sech net ewei normaler Weis ënnert deenen Beschten klasséiert ze hun.

